

四庫全書

集部

欽定四庫全書

梁谿集卷二十六

宋 李綱 撰

詩二十二

道中作三十九首

謁南海神廟

羅浮山寶積延祥寺古風

冲虛觀

乘月泛小舟歸泊頭

家問自閩中轉來走筆寄諸弟

次韻士特見懷古風

再賦一章寄諸李約同隱羅浮

惠州訪東坡舊隱

白水山佛跡巖行速不果到次東坡韻

次東坡月夜理髮

望白水山次合江樓韻

六如亭

遵海歸五絕

泛舟循惠間山水清絕謾成口號

東坡謫英州以書語所善衲子曰戒和尚又踈
脫矣讀之有感

自臧城乘舟至河源風雨日作江流湍激以寸
步進感歎有作

五月晦寓河源館舍雨涼新沐偶成一絕
夜霽天象明潤成百韻

自河源陸行如循梅

循州道中作

絕句二首

剪剔懸瀑翳蒼二絕

聞蟬

新月二首

早行二首

通衢夜坐有感二首

謁南海神廟

黃木灣頭潮欲平
叢林深處款祠庭
豈知休咎能傳戒
但愛昌黎解勒銘
海上波濤呈秘怪
壁間圖畫雜紅青

應憐歸客稽留久風破寒江集百靈

唐休咎禪師
為神受戒

艤舟泊頭鎮風雨中乘小舟行十餘里遵陸遊羅

浮山寶積延祥寺

神山失憑依漂泊西南州連峯蟠秀氣作鎮蒼溟陬世
傳朱明洞深秘未易求夜半見赤日光若金鼇浮我來
夏正中川漲通行舟弭櫂泊頭渚遂作羅浮遊山靈憫
病暑風雨為變秋雲開遠岫出黛色散不收籃輿陟翠
微頗得精廬幽雅志愜丘壑斯行豈人謀愧煩五色雀

顧我鳴啁啾寓目天水永微茫見瀛洲中原正雲擾盜賊屯蠶蝨而我卧雲海歸途亦淹留逝將憩真境祕訣追前修稚川不可見得見野人不

自延祥寺行五里至冲虚觀月出林巒之表景物

幽勝坐遺履軒望麻姑峯秉燭觀稚川丹竈

葛翁令勾漏晚入羅浮山丹成尸解去遺跡猶班班當年薪水人亦得刀圭殘至今有遇者綠髮長童顏嗟我暮遐躅冒暑窮躋攀叩門日已落月出青雲間深院人

寂寂飛泉澗潺潺松風入琴軫桂露零星壇坐觀麻姑
峯聳翠凝煙鬟更呼老道士月夜談玄關清景難久駐
忽忽恨言還却迷桃源路歎息空塵寰兵革未休息世
故方艱難脫身事幽討此志不可刪未能騎長鯨聊復
乘兩班來尋巖間竈更鍊飛霞丹

乘月泛小舟歸泊頭二首

來時風雨作新涼歸去還乘皎月光多謝山靈巧留意
未窮仙賞意茫茫

纖雲四卷列星稀
重露如珠濕客衣
竟日羅浮何所得
滿船空載月明歸

家問自閩中轉來走筆寄諸弟

江海相望萬里餘
干戈阻絕久離居
沉魚斷鴈杳何所
一紙千金初得書
身脫鯨波真偶爾
家鄰兵火幸恬如
弟兄老矣何為者
相約羅浮同結廬

次韻士特見懷古風

遭遇登黃閣
平生志寢丘
焦頭無寸效
失脚落遐陬
一

去蒼龍闕三驚白露秋賈生時欲慟平子不勝愁鄂渚
何曾到蘭江未許留孤城踰地角絕島在鼇頭父子同
雙影簞瓢付一舟飄零已知幸奇絕敢言遊望斷歸來
鶴情孚不下鷗波濤從洶湧鼓角助清幽忽奉日邊令
容還嶠北州天恩方肉骨厲鬼漫持矛力拯中興業深
防不戴讐當車雖怒臂見險莫扶輶往事追何及來功
勉或收舍垣宜葺補風雨正颼颼離索何其久吟哦誰
與訓管寧終著帽王粲且登樓阻絕江南信淹留海上

洲歸心良耿耿去路尚悠悠見說鯨奔網仍傳盜聚蝨
不知供羽衛今有幾貔貅甌越亦遠矣江淮已定不視
天真懜懜知命罷休休水有朝東性嫠非恤緯憂吾徒
強餐飯肉食自深謀

再賦一章寄諸季約同隱羅浮

枕海仙山舞翠蛟葛洪丹竈尚餘凹兵戈滿眼歸何地
雲木連天思結巢豈有聲名同八士當令蹤跡繼三茅
携家早作來遊計玉戶金關幸可敲

惠州訪東坡舊隱

海上歸來訪老坡，依然遺跡未銷磨。
松風亭下梅花老，鶴觀峯頭喬木多。
垂世文章燦星斗，平生憂患足風波。
華堂滿龕題詩筆，人事其如天定何。

白水山佛跡巖行速不果到次東坡韻

羅山與浮山對峙，蹲兩股有如垂天鵬。
決起初振羽，茲山乃東麓。
秀若芙蓉吐，谿研巖洞開。
地裂媧不補，何人履石上。
修趾映玄乳，當時巨靈氏。
擘華不用斧，蹈躓意。

未已遺拇到南土連山乃浮來海若助掀舞強稱金僊
人誰見來接武坳窪踰鑄銳縷脉分踵拇何嘗藉青蓮
長此濯白雨頗疑秦漢間方士恣飄鼓鑿成巨人跡聊
示神仙府祖龍茂林翁雄毅猶猛虎一為異端惑種種
受欺侮我為江海行風雨齊萬弩餘生屢涉險何異孤
注賭已從羅浮遊勝境敢多取天公本無私尤物隨意
主濶視天壤中滄洲乃吾圃

次東坡月夜理髮

月明星稀烏鵲翻先生夜起臨幽軒呼童具櫛不停手
一氣泝流天地根自經憂患髮如葆欲論此心無與言
不如緘默度餘日悵望吳越空銷魂

望白水山次合江樓韻

羅浮之麓何壯哉山靈為我煙雲開忽忽行役不一到
翠光百里隨人來嶠南鍾此山川美中有幽人呼不起
月圓月缺豈人為潮落潮生自江水非人流水水流人
世故人情日月新撥置千憂并百慮且醉一斛松醪春

六如亭

松林葬玉近禪扃便把伽陀當勒銘居士已亡三昧手
侍人空有六如亭玉環約指無消息巫峽行雲更杳冥
萬法本來皆夢幻春風又見草青青

北歸將自英韶趨江表因遊清遠峽碧落洞謁六
祖于曹溪望韶石渡庾嶺皆嶠南絕景也適江
西道梗遵海而歸此志不遂賦五絕見意

清遠峽

凝碧灣頭碧玉山林松古寺寄孱顏佳人得侶已長嘯
空使山僧藏白環

碧落洞

碧落嵌空羣玉峯烟霞深鎖翠微重乳羊不作黃羊色
放筋能迴冰雪容

南華寺

久矣曹溪法雨流祗傳一滴滿中州南來不見祖師面
長與祖師同此遊

韶石

重華南狩到炎荒
高會羣神廣樂張
豈獨有情能率舞
至今峯石亦低昂

庾嶺

誰言庾嶺極荒遐
夾道青松釋梵家
暍暑北歸遵海上
無因一為折梅花

泛舟循惠間山水清絕口號四首

雨過溪流沒舊灘
舟行竟日畫圖間
重重翠綠相環揖

卧看王維著色山

煙雨霏霏溪上村
白沙翠竹對柴門
江湖戰鬪波成血
耕鑿樵漁如不聞

青山碧水白鷗飛
野岸臨流有釣磯
便欲誅茅老滄海
于今江浙可忘歸

山下清江匹練橫
山頭紅日半輪明
漁人晚集知多少
靜聽鳴榔撒網聲

東坡謫英州以書語所善衲子曰戒和尚又踈脫

矣讀之有感

東坡夙世乃戒老次律前身為永師一念參差成此錯
百憂鍾萃使知非我生已約渡南海今日豈知還北歸
從今莫打這鼓笛必竟是事終由誰

先公太師尉秀州華亭日與僧靈照師相善嘗下
村視澇夢照師曰本欲渡南海與君有緣故來
託化是夕衛國太夫人亦夢有僧開帳而寤歸
既相與語異之遣人候靈照則以見夢之夕入

滅矣已而余生人皆以為靈照後身也故云

自鷺城乘舟至河源風雨日作江流湍激以寸步

進感歎有作

榜舟沂迴溪夏潦適川漲驚湍激怒瀾怪石立異狀
篙師巧為計巨細施石上譟呼集衆力進寸退尋丈
崢嶸三數峯竟日不離望乃知勢不便智力未足仗
我行極江海幸免魚腹葬書生妙言辭過謂神所相
及茲困溝瀆更覺水石壯翻思泛滄溟千里纔一餉
豈惟小中州

端欲逋崑閬斯遊不可忘臨風默惆悵

五月晦寓河源館舍雨涼新沐偶成一絕

風雨蕭蕭作晚涼山城松桂發天香
蘭湯沐罷尤清快一枕江南歸夢長

夜霽天象明潤仰觀有感成一百韻時歲在斗熒
惑在氐微甚辰鎮陵犯於翼軫間夜半斗杓轉
占帝座未明台星尚拆云

昊穹運宸極示人文燦然萬象森布列七曜紛迴還體

物具六擾面朝別三垣德隆乃循軌政錯因失躔日月
有薄蝕星辰或相挺暈適與佩玦精祲光屬聯災祥本
人致銷弭術在焉譬猶五藏病察色推其原詎有使之
者一氣兆所先應病投藥石厥疾尚可痊恬不加料理
瞑眩知何緣愈病當以藥弭災當以言苦言逆人耳龜
筮窮根源甘言悅人意無乃有後艱虚心行正說天道
咫尺間太戊正厥事桑穀反為妍宋景知愛民法星退
亦適精誠所感格應效猶衡權堯舜曰欽若七政齊璣

璿周公戒成王敬德享厯年奈何後世士導使不畏天
為子傲厥考獲罪安禱旃論議肇熙豐猷為終政宣皇
天豈無意儆戒良拳拳長星踰萬丈赤氣夜繽紛是為
兵革祥厥異古未聞臺諫既鉗舌太史亦諱論事始初
破睦釁成繼開燕至今為厲階禍難相連延迨于靖康
初儲皇御乾坤金兵遽犯順鐵騎凌天閣雖含恭儉姿
顧乏英偉臣邪正相雜揉盈庭事紛紜機會一朝失安
危自茲分愚儒不遠慮賊退已安眠豈無繞朝策誰著

祖生鞭羣孛掃紫微急怒如戈鋌諛臣秘其事猶欲飾
以文踰月始避殿何以應乎乾金人再稱兵東都滿旌
旛金湯失險固豺虎肆噬吞八駿狩沙漠神州遂崩奔
坐令鴟梟徒盜據黃屋尊上帝眷明德中興屬吾君建
炎繼大統威令赫以新四海望膏澤攘戎拯斯民光明
日初出照燭窮天淵陰雲忽蔽塞寰宇陡蒙昏迄今四
寒暑天變何其繁日中有黑子翩若鷺雀翻赤氛環斗
樞黑祲如突煙三台日離拆帝座亦屢遷連年盛夏寒

雨霖日聯絲昨宵偶晴霽仰視青霄端五緯失躔次熒
惑僅如錢太白揚其輝入鎮光相聯災變不虛發天心尚
周旋岌然國勢感人謀益迴遄飄騰寇驕橫搏逐踰鷹
鷂前年蹂關陝殺氣摩東川去年破山東輕騎犯淮壩
今年擾江湖深寇台與溫東南幾藩府接境遭劉虔將
帥望風遁巨賊摩其肩屠戮到稚乳焚燒無尺椽翠華
亦飄蕩泛海御樓船士卒頗携貳誰與守四邊內變不
能弭何以禦外患哀哉烝黎心戴宋何其堅肝腦塗草

野不忍負國恩乃知祖宗德滲漉深淵泉如何廊廟謀
畧不加矜憐堂堂藝祖業揮斥極八埏誰陳退避策一
一欲棄捐兒戲失兩河甘心喪中原雖為東南行初不
治籬藩東晉有江左保守百餘年問誰居腹心王導與
謝安强藩揔重兵控扼推兇姦坐待天下定此理恐太
漫胡不法光武奮起由空拳勞身馬上治介冑被霑汗
履危救民死國祚乃復傳正如大厦傾扶持極艱難一
日葺一日舊業儻可全畧不事撐拄摧壓何由完厥今

誰股肱前轍或未悛尚容狐鼠輩寢廟恣穴穿但為一身謀真若蟻慕羶風雨正凌暴不顧棟宇顛宵人用必危范子何其賢嗟我素愚拙三朝荷陶甄愧無徙薪策徒有焦頭愆罪大幸不死歸途極洄洑廢食念宗社傷心痛元元不知狂言發感憤成此篇何當採詩人為致冤旒前雖膺斧鉞誅瞑目無所冤史蹟以尸諫一語不敢煩君臣同修德庶可迴蒼圓

自河源陸行如循梅雨霽天氣頗佳偶成古風

宿雨乍開霽新暘倏飛升嶠南瘴毒地乃爾氣候清束
裝遵陸途夾道松林青我家大江南及此歸有程山禽
亦為喜林間轉新聲况復抵衡宇童稚歡相迎入室酒
盈樽聊以慰平生已矣勿復道晚節師淵明

循州道中作

嶺海經行涉兩年籃輿觸熱道龍川只愁青草黃茅瘴
敢意好風佳月天山頂濛濛遮薄霧江心跼跼墮飛鳶
勞生往返何為者歸去躬耕負郭田

絕句二首

深入循梅瘴癘鄉
煙雲浮動日蒼涼
踰年踏徧嶠南土
賴有仙翁肘後方

邪氣豈能干正氣
妄心自不勝真心
治心養氣無多術
一點能銷瘴毒深

過黃石驛十許里
巖石間懸瀑湫深
射聲隱然真小
三峽也命僕夫剪剔翳蒼為行者清心駭目之
觀戲成兩絕

玉濺珠跳雷電聲巖端飛瀑蔽林彷彿呼童取斧開蒙密
一使行人心目清

終日崎嶇山谷間雨餘林下水潺潺炎方六月不知暑
端為先生從此還

聞蟬

喬林蔽日沸蟬聲美蔭超然風露清嘒嘒不休聊自樂
豈因人故乃長鳴

新月二首

碧落銀蟾吐知從何處來雕弓絃未上寶鏡匣初開照
水鉤沉影窺人光滿懷微升已西沒露坐興悠哉

初月明生小衆星寒吐鉞穿林未驚鵲傍戶已窺床漸
喜山川曉自令風露涼僊人貼片玉為我賜清光

早行二首

夙起戒徒御小村扉未開霧分山遠近溪繞路縈回排
遣憑詩句銷除賴酒杯大恩何以報海上得歸來

宿雨破袵暑趣裝期早還斷塍泥滑滑幽谷水潺潺半

世走長道暮年歸故山
蒙頭有衲被送老白頭間

通衢驛夜坐有感二首

永夜發孤笑起看河漢流
羣山湧翠浪纖月掛瓊鉤
豈謂艱難日翻成汗漫遊
虛舟全不繫暮景付滄洲

酷暑事行役瘴雲天一方
曉登丞相嶺夜宿翰林堂
月落星河耿軒開風露香
微涼生枕簟歸夢到江鄉

堂有丞相嶺因常袞謫潮州刺史道此得名翰林
堂見圖經羅姓失其名亦唐人也

梁谿集卷二十六

欽定四庫全書

梁谿集卷二十七

宋 李綱 撰

詩二十三

道中作四十六首及抵家已後作三十二首

循梅道中遣人如江南走筆寄諸季十首

古意四首

宿興寧縣驛二首

午暑憇夜明館二首

宿金沙寺

放鮮鰕

自金沙至梅口宿農家

南安巖謁定光圓應禪師二首

錢申伯自海陵避地臨汀聞余北歸相逐於武

平賦詩見意二首

次韻申伯見贈

次韻申伯上杭道中見示二首

宿道傍僧舍次蔣穎叔壁間韻

寄沙陽鄧李明二首

錢申伯追送至寧化栖隱寺賦詩識別

申伯見和佛跡巖詩再次前韻

次韻翁士特相招居武夷

靈峯寺

入江西境寄諸季弟二首

遊麻姑山二首

北歸次盱江一覽亭二首

次貴溪僊巖見兵火跡二首

龜峯長老見訪成三絕句

歸自海外與諸季會飲成長句兼簡鄒德久昆

仲

中秋與諸季及德久昆仲望月同飲

送季弟還錫山省先隴四首

同諸季及鄒德久昆仲遊龍潭

九日登山亭會飲

九日示諸季

冬至後四日修供羅漢巖四首

葉夢授同遊丹霞再次前韻

葉夢授送家園梅花且以絕句十五章見示次

其韻

循梅道中遣人如江南走筆寄諸季十首

弟有青雲志兄今白髮翁
斷鴻飛嶠北歸鶴自遼東
鯨海扁舟過煙嵐一笑空
衰顏雖已老尚有渥丹紅

海外歸來客天涯老病身
卷開愁細字冠側倩傍人
久矣鴛鸞絕優哉麋鹿親
尤堪澆美酒醉裏發天真

人傳吳會破寇向福山歸松梓定安隱池臺今是非傷
心懷故老流淚落征衣目斷滄波上龍舟翠蓋飛

契闊三年久驚憂一夢新江鄉漂寓客海嶠得歸人風
雨對床夜詩書開帳晨速宜尋舊約一醉萬家春

寂默維摩病誰參不二門應緣聊遣化問疾欲忘言斷
取妙喜國同遊祇樹園甚深須獨悟勿為衆人論

寇騎滋南牧于今大將誰樓船泛溟渤哀詔問瘡痍沙
漠深鑿輅江湖震鼓聲遠方惟嶺嶠耕鑿自熙熙

常笑晉南渡區區營一隅近傳邊騎擾未覺古人迂談
笑北支勒指麾西破苻淒涼王謝後繼踵豈真無

每訝杜陵老賦詩多旅愁只今萍梗跡自乏稻粱謀火
氣已徂暑金風將動秋相從攻苦淡一解萬端憂

觸熱冒氛癘懷家思弟昆早行青嶂月夜泊綠林村且
喜江南近休將塞北論憑高望吳越黯黯更銷魂

江表難久客沙陽可暫安舊諳魚稻美頗得士民歡騏
驎已衰病鵲鵲方急難為携雛稚輩早下建溪灘

古意四首

鸞鳳招不來
鷗鳶麾不去
君看酒肉敗
坐使醯雞聚
小人為身謀
無復及遠慮
國敝身亦危
何如木中蠹

薰蕕不同器
臬鷺不接翼
君看水炭姿
燥濕更相息
消長本天行
否泰非人力
須知坦蕩蕩
自勝長戚戚

嘉木難封植
惡木費剪除
君看種榆柳
橫直皆扶疎
梟不自畏
更欲陵天衢
不知歲寒後
松柏誰彫枯

松柏寒更青
蕙蘭幽自芳
君看繞指柔
何似百鍊剛
逐

物成俯仰隨時變炎涼悲哉小人態所得真毫銖

宿興寧縣驛二首

清夜風露冷月華牕半侵懷家千里夢許國一生心倦
鳥投林急潛魚泳澤深無人知此意抱膝自長吟

六月欲徂暑又催流火輝竹間螢已亂簷側鷺將歸豈
念棄紈扇永懷勞鐵衣兵戈猶未息老盡故山薇

午暑憇夜明館道傍清流激湍可愛所乏者茂林

修竹耳二首

火雲千丈映溪山，正是人間行路難。
賴有道傍飛瀑在，噴霜翻雪作清寒。

寶氣何年夜發明，至今郵舍得佳名。
我來不暇尋光景，但愛鐔金漱玉聲。

自梅趣汀行小路，境埆危甚六月十一日宿金沙寺。

觸熱過梅川，境埆烏道遙。
林深晴有霧，土曠晝稀煙。
略約橫溪小，籃輿礙石偏。
亂蟬鳴翳薈，疊澗瀉潺湲。
閩嶺

雖近止江鄉猶渺然何曾愁瘴癘祇是怯危顛借問勞
行役何如穩晏眠遭時正艱棘賦分自迴遭已幸生還
里寧辭險著鞭夜涼棲野寺相對月嬋娟

客有饋鮮鯽月夜於宗之溪上放之

步月溪頭放小鮮銀梭擲水勢飛翻清波真是悠然去
不似洋洋祇聽言

自金沙至梅口宿農家

夏夜宿山莊風吹禾稼香兒童窺戶牖雞犬訝冠裳戛

戛竹搖翠輝輝螢美光濁醪澆渴肺夢覺月侵牀

南安巖恭謁定光圓應禪師二首

白衣隱去碧巖空塔廟巋然海嶠東分化何殊遽如許
贈詩多寫以之中青山綠水年年好明月清風處處同
好住一方為庇蔭不須追逐泗濱翁

嶺嶠經行萬屈盤北歸今始到南安滿山泉石有古意
十里松筠生畫寒頗厭病身遊夢境欲將餘日付巖端
定光古佛今猶在請問此光何處觀

錢申伯自海陵避地臨汀聞余北歸相遇於武平

賦詩見意二首

海嶠經行徧還為閩嶺遊清泉滌餘瘴小雨報新秋

嶠南

多飲溪流至武平始得井泉甘冽故云

多謝故人意來銷羈客愁慙慙問

淮楚兵革已寧不

我脫鯨波險君罹寇盜驚睽離四寒暑會遇兩蓬萍訪
舊半為鬼問津多阻兵衣冠漂蕩極風雨自難鳴

次韻申伯見贈

連年奔走厭艱難
痛憤邊騎入漢關
萬里自忘鯨海遠
一身今伴嶺雲閒
孤忠耿耿空餘志
華髮蕭蕭已映顏
慙愧故人相勞苦
去時明月却同還

次韻申伯上杭道中見示二首

川途荏苒度年華
命與時謀敢自嗟
但使直方能養浩
豈知權勢解悲夸
淮舟昔共茱萸酒
閩館今同薄荷茶
往復紛紛成底事
龐公只合訪丹霞

相逢閩嶺得同行
秋早淒然風露清
蟬曳殘聲吟鬢蒼

泉飛小瀑落崢嶸濃雲林表千峯立細路山腰一線橫
坎止川流任天運未應萍梗歎勞生

宿道傍僧舍次蔣穎叔壁間韻

竟日碧山中清宵憇寶宮客愁無那處一葉已秋風

寄沙陽鄧李明二首

海上歸來近七峯故人猶冀一樽同心憂世故存當日
身履時危到此中玉帶金魚非素志碧齋翠閣自清風
十年擾擾成何事依舊梁谿一拙翁

當年曾到碧雲峯，惟有溪山與昔同。
最愛幽人三徑裏，盡收春色一壺中。
千年阨運非人力，四海橫流本土風。
爛額焦頭何所補，却輸花圃樂全翁。

錢申伯追送至寧化栖隱寺賦詩識別

連年淮海悵離居，十日相從樂有餘。
心向功名已灰冷，老於詩酒未情疎。
頗矜有客乃如許，共話無生正是渠。
惜別不須追路遠，定期林下論羲書。

申伯見和佛跡巖詩再次前韻

平生嗜讀書每傲錐刺股晚窺義文心射石遂飲羽子
雲方草玄白鳳夢中吐區區不自量造化欲筆補當其
得意時如渴味漣乳誰為摩天手願借修月斧故人適
我願邂逅遇南土試將一隅授笑喜屢作舞嗟予值時
危孱懦愧不武援世多掣肘放足已折拇片雲空往來
豈解作霖雨逝將歸碧山不復打這鼓一氣中夜存天
光發靈府參同有真契神鼎轉龍虎丹成赫朝霞魔事
敢余侮世間成壞法張弛猶弓弩乾坤如許大方以一

枰賭肉食謀自深
菟腹何足取
既非公家用
且作猿鶴主
相期巖穴中
執此方寸圃

次韻翁士特相招居武夷

武夷山色翠崔嵬
應笑梁谿又到來
脫網弱鱗初縱逸
傷弓倦翮尚驚猜
閒中陶寫資詩句
愁裏銷除賴酒杯
誰道川途廢
光景無根樹子不妨栽

靈峯寺

古寺宿靈峯
層巒倚碧空
巖花開宿雨
桂子落秋風
地

僻溪山險時危戰伐同祗應輸衲子蒙被白雲中

入江西境先寄諸季二首

閩山行盡碧巉巖稍見川原雲木參萬里瘴嵐來海外
一溪煙水致江南故人邂逅端如夢世事紛紜未易談
鑄印墩頭家漸近秋風歸騎亦驂驪

征途詰屈避兵戈歎息勞生可若何却把蘆廬作安宅

每聞鐃鼓輒悲歌

連年奔走巡尉將迎鐃鼓之音不絕於前故云

候門稚子鶴

立久浮海先生霜鬢多可惜光陰四寒暑只於來往與

銷磨

遊麻姑山二首

魯公辭翰勒山巔，巖峭風姿亦喜僊。
假道來遊非偶爾，追尋遺跡更茫然。
野花幽草堪成夢，老鶴喬松不記年。
誰謂瑤臺無路到，月明風露正涓涓。

寶髻雲鬟衣彩霞，飈輪曾過蔡君家。
河濱織女不停織，海上花姑長似花。
幾見桑田變滄海，猶將菽粟化丹砂。
此身漂泊干戈際，妙指煩於痒處爬。

北歸次肝江疎山宗瑞長老來迓且言山巔有亭
俯視羣山猶培塿也求佳名大書以榜之取少
陵句為目之曰一覽亭成兩絕句

居士新從海上迴勞煩竹杖與芒鞋故人何用將迎遠
明月清風常往來

千里林巒紫翠環孤亭縹緲白雲端登臨一覽衆峯小
始見疎山境界寬

往返踰萬里首尾沙五年幸無驚憂歸次貴溪仙

巖新罹寇盜焚蕩孑然始見兵火之跡感愴有

作二首

夢裏幽人獨往來
僊巖依舊碧崔嵬
傷心二百載涵養
極望皆成瓦礫堆

遼海歸來丁令威
山川雖是事多非
衣冠南渡奔崩極
始信六朝猶足依

靖康丙午冬道江南宿龜峯寺建炎庚戌秋北歸
再過行遽不果到長老智光見訪成三絕句以

遺之

散策曾遊瑞相峯
煙霞深處翠成叢
清江使者今安否
五換星霜一夢中

去國翻成汗漫遊
迢迢雲海六鰲愁
歸來又踏江南土
都在當年拄杖頭

蘭若松林物外居
羨師一柱十年餘
奔馳萬里心灰冷
借我峯前使結廬

自海外歸間關萬里
經涉五載初抵家與諸季會

飲成長句蕪簡鄒德久昆仲

楚氛未靜狼烽起翠華搖搖無定止謀臣猛將如雲屯
坐視金人渡江水我歸自南時正艱繚絡間關萬餘里
問津處處皆戰場訪舊往往成新鬼傷心不忍顧浙河
故園已在荊棘底幸然家寓大江東窈窕精廬山谷裏
當時百口還滿前况復添丁長童稚衣冠南渡多流離
骨肉無虞能有幾生還已荷皇天慈見汝更使清愁洗
夜闌秉燭疑夢中破悲為笑且歡喜在原真赴鵲鴿難

玉樹還許蕪葭倚眷言兄弟同友生風雨雞鳴未云已
閩山深處是吾鄉攜幼扶衰又將徙安得廟社固根基
一使寰區盡蒙祉

中秋與諸季及德久昆仲望月同飲

五年客裏過中秋今夕安知無此愁共喜銀雲開碧落
坐看蟾魄過西樓清光著物殊他夜好景於人散百憂
人月皆圓那易得莫辭大白十分浮

送季言弟還錫山省先隴四首

四年謫去遠桑梓萬里歸來紛甲兵却恨此身方抱病
掃墳不與汝同行

北騎南牧浙河空多幸依然馬鬣封勞汝遥傳一掬淚
霜前為灑萬株松

每憂吳會太繁雄冠騎憑陵掌股中若到新經兵火地
莫將有限悼無窮

連年瘴海鬢成絲多倚君恩特放歸邂逅故人相問訊
為言遽瑗久知非

同諸季及鄒德久昆仲遊龍潭

避地寓江左精廬極深幽駕言窮勝賞遂作龍潭遊暑
氣歛以退輕雲藹而浮疎林未搖落山色宜清秋蘿磴
穿窈窕松風散颼颼鐵花秀石壁玉韻鏘溪流誰將三
峽橋斷取來巖陬會心得佳趣濁酒相獻酬嫩菊青可
摘寒疎鬱堪羞樂哉山林間乃爾遠世憂豈知江淮瀆
殺氣橫戈矛幽討未云已散策層岡頭天紳施脩瀑落
此萬丈湫空濛杳靄中時有飛魚游神物不可見下隱

長黃虬百穀正焦枯胡為此淹留會乘風雷便一起澤
九州我與二三子於世初無求蕭然巖壑姿正可擅一
丘願言假吾居聊作潛珍謀玉函畀思邈貝闕歸靈脩
何須挾白羽共逐青綃牛

九日登山亭會飲

淵明避世士酷愛九日名獨酌東籬下悠然得此生我
輩正羈旅佳節安可醒相携陟翠巘置酒松間亭菊蘂
弄新黃橘苞破微聲鬢邊插茱萸未覺巾幘傾雲山謁

佳色風林動疎聲慷慨念平昔醉舞屬羣英國步方綴
旒衣冠正漂萍山河舉目異望遠若為情方期汗漫遊
天池濯吾纓何必楚囚泣牛山良可輕

九日示諸季時會飲者八人

海外頻年懷棣萼江南九日共茱萸莫愁羣盜驚鄰壤
且作新詩慰老夫坐上豈無吹帽客飲中況是謫僊徒
不將醕酎酬佳節肯信黃花解笑無

冬至後四日脩供羅漢巖因訪丹霞木老成四絕

句

道人眼靜絕空花
巖壑蕭然物外家
十載聞名今始到
龐公真是訪丹霞

籃輿清曉叩禪扉
山路雲深翠濕衣
誰家峯頭雙練瀑
空濛散作玉花飛

碧山深處敞層巖
中有幽人默自參
休指天雲與鉞水
煩師試說後三三

巖巒鼎足繚回廊
泉石幽奇草木香
幸有峯前方丈地

可能為築讀書堂

葉夢授龍圖同遊丹霞見和四絕句再次前韻

巖竇嵌空南寶花玲瓏樓閣衲僧家興來結客窮幽討
衝破晴山幾段霞

渡水捫蘿款石扉杖藜同著舊緇衣猶嫌林下誼僮僕
欲學孤雲野鶴飛

煙霞絢彩染幽巖紫翠惹龍雲木參幸有幽人共清賞
豈惟風月友成三

夜寒月影照虛廊境寂心清發妙香
藜藿山林有餘樂
未應肉食念華堂

葉夢授送家園梅花且以絕句十五章見示次其
韻

天欲春光一點回素英先識化工裁
惱人不作鉛華態
願下當年玉鏡臺

道人宴坐得圓通妙觀年來等色空
結習已銷花不染
何妨瓌麗伴衰翁

枝頭數點雪初殘
折置冰壺分外寒
煙蘂輕盈未全折
國香暗淡已欺蘭

慙慙剩作送梅詩
撚斷霜髭不為綦
只恐苦吟令太瘦
箇中風味有誰知

傍雨移梅趁小寒
探春幾度獨憑欄
不知冷淡緣何事
偏得幽人帶笑看

坐來寒谷變陽春
雪裏開花若有神
多作新詩詠尤物
知君最是愛花人

超然標格冠羣芳妙質天教徹骨香爛熳開時何足道
最憐新藥半塗黃

踈籬煙雨數枝斜行路于今五見花又向閩山和月摘
坐令流寓歎年華

山路相逢若有情折來書幌愈輕明何須更道能調鼎
小啄微酸已解醒

天生麗質絕塵埃肯把胭脂漫汙腮幸有清香過於雪
對人何止白皚皚

蕭疎竹外裊煙梢清淺溪流映小橋不似僧房靜中看
月明風細夜寥寥

小軒幽檻最相宜對酒難禁綽約姿莫訝落英飄萬點
待看青子綴疎枝

雲裳縞帶步搖冠誰遣瑤姬下廣寒默侍先生渾不語
風枝時聽珮珊珊

廣平援筆賦梅花富豔清便底死誇况有西湖隱君子
句中能道影橫斜

草木凍死山中村惟有梅花解返魂
弱植孤根傲霜霰
玉奴終不負東昏

梁谿集卷二十七

欽定四庫全書

梁谿集卷二十八

宋 李綱 撰

詩二十四

辛亥歲以後
作六十四首

上元日同王豐甫葉夢授會飲

聞建寇逼境攜家將由樂沙縣以如劔浦

次沙陽留題寓軒 留題凝翠閣二絕

過羅疇老故居有感二首

興國璨老浴室新成以伽佗見示戲成三絕句

宿開平寺二首

道延平適風雨大作土人謂之劍歸

題王氏志嘉堂二首

追次東坡和鬱林王守韻

遊包道士山居

自劍浦乘舟至水口

溫水二絕

次韻周元仲見寄二首

許崧老三友篇贈珪老

周元仲來自湖外傳示崧老贈東林珪三友篇

讀之慨然因次其韻

遊賢沙鳳池二首

次韻奉酬鄧成材二首

次韻陳中玉大卿二首

遊鼓山靈源洞次周元仲韻

六言頌六首贈安國覺老

寄呂相元直

留題天寧明極堂

松風堂長篇

次韻劉倅寄荔支

初秋訪許子大於東山大乘寺

王豐甫待制會宴湖亭

秋日奉陪王豐甫許子大康平仲遊賢沙宿鳳
池登昇山偶成二首

次王豐甫韻

次韻王豐甫同遊西禪斗車堂

九日諸李散處長樂外邑悵然有懷二首

次韻陳中玉大卿見贈二首

送周元仲訪親桐廬

鄭夢錫教授送黃精以詩答其意

初見梅花三絕

奉寄呂丞相元直二首

以舊賜戰袍等贈韓少師二首

并序

奉贈宣撫孟參政二首

題止戈堂二首

上元日同王豐甫葉夢授會飲

當年玉輦侍端門
豈意風塵四海奔
正恐溪山太寥落
也將燈火照黃昏
月華清切人千里
曲調淒涼酒一樽

多謝故人相煖熱感時撫事祇銷魂

聞建寇逼境攜家將由樂沙縣以如劔浦

我來寓杉江客館未煖席紛然羣盜起環境暗鋒鏑東
裝呼僕夫又復事遠適我我章源嶺峻峭初未識攀援
僅能進十步九傾側風吹霧雨水草木盡矛戟朝登暮
始降落日半天赤兒童飢屢啼徒御疲已極薄遊玉華
洞庶可稍休息東郊遽不開蜂蟻迭吞食避寇如避弩
吾敢憚行役驅車適沙陽頗喜田野闢雖經兵火餘邑

屋幸如昔舊遊疑夢中一一有遺跡寓軒存佛宮脩竹
自春色崢嶸凝翠閣尚對七峯碧故人皆避地誰與道
胸臆理舟劍浦行稍就寬曠域溪流正湍暴惡子亦充
斥脫身險阻中協濟藉衆力吟哦杜陵詩妙語皆中的
喪亂古今同臨風意如織

次沙陽留題寓軒

一紀重來一夢中寓軒脩竹自春風故人散去因羣盜
舊意相親惟七峯溪上偶存凝翠閣圃中安往樂全翁

感時不用頻惆悵萬法從來本是空

留題凝翠閣二絕

重到沙陽十二春新罹兵火為傷神
欲論舊事無知者只有青山是故人

山秀波平望不窮此身渾墮翠光中
兵戈滿眼棲何地注目溪頭羣玉峯

過羅疇老故居有感二首

鳳去梁摧忽十年空餘文翰世間傳
池臺春色仍依舊

几杖遺音猶隱然把酒屢陪高閣醉揮毫幾和白雲篇
追尋舊事如疇昔淚濕幽花曲檻前

一別那知生死分亂離重到德公門雷張蓮社舊同約
詢惠滄洲徒有言江海淒涼人已遠園林蕭瑟劍空存
我來痛恨忽忽去宿草無因奠一樽

興國璨老浴堂新成以伽佗見示戲成三絕句

湛然定水滿新池試浴金毛獅子兒普願衆生盡無垢
此身何惜汗成泥

湯泉海湧氣雲蒸垢去心安身倍輕誰道圓通非外護
却因妙觸得宣明

池中已具八功德浴處還數七淨華妙體本來塵不染
何妨癢處與抓爬

宿開平寺去劍浦二十里有泉石之勝曩與郡守
謝德夫同遊今一紀矣溪山草木依然住持猶
舊人也感嘆有作二首

舊遊渾似夢佳處每難忘地僻溪山秀春深草木香世

途方梗棘老景自淒涼
衲子那知此閑中氣味長
往年同謝老勝賞到開平
步屨山雲細回舟溪月清
光陰雙轉轂身世兩浮萍
願卜幽棲地翛然得此生

道延平適風雨雷電大作土人謂之劍歸有感

干將未發埋豐城光氣上騰干
列星張雷博識各有得
神物終合歸延平没人下視不可取
天矯已作虬龍形
至今千載有肝鬢
往往出入驅雷霆
我來弭櫂雙溪上
正晝雲霧忽晦暝
金蛇掣電起潭底
霹靂潄作聲
轟轟

土人謂是劍歸候連日風雨資芽萌嗟嗟爾劍誠有靈
胡不奮飛輔助討不庭羣兇塞路盜賊橫夷狄外侮方
驕獍佩之其人得所託蠹國害民姦腰佞領邇皆削
平何為終日但長嘯時出光怪驚動無知氓

題王氏志嘉堂二首

秀嶺雲屏擁湍流玉佩鐙竹光深鎖翠蘭氣暗騰芳豈
謂兵戈日來登君子堂美才方世用嘉遯自難忘

茗飲過溪閣蕭然泉石幽雨餘空翠濕春老碧鮮浮行

止隨時運笑談銷客愁
遯亨真我事暮景付滄洲

追次東坡和鬱林王守韻

蓋世文章妙語言誰令骨相似
虞翻玉堂大手空遺跡
海島幽棲有斷垣
仙去公寧懷此土
生還我亦荷寬恩
龍虬滿紙疑飛動
尚想揮毫氣象軒

遊包道士山居

何日養鉛丹
幽居紫翠間
架巖開戶牖
隱几俯溪山
昔到渾如夢
今遊更覺閒
兵戈知滿地
佳處且躋攀

自劍浦乘舟至水口溪流方漲備見湍激奔猛之
狀賦詩以紀其事

避地適南土捨車登葉舟春溪渾帶雨霽石出如牛詰
曲知操妙飄騰覺去道烟籠嵐翠滴灘激浪花浮廉利
森排戟盤回巧轉輞輕生真可戒快意且銷憂豔瀕過
三峽蓬壺訪十洲平生志江海暮景侶巢由易象觀嘉
遯騷經賦遠遊扁舟入吾手此外更何求

溫泉二絕

溫冷泉源各自流
天教施浴雪峯
取衆生塵垢
何時盡
汨汨人間幾度秋

玉池金屋浴蘭芳
千古華清第一湯
何似此泉澆疾病
不妨更入荔枝鄉

次韻周元仲見寄二首

凌雲健筆有神鋒
抵掌高談久不同
江上過從猶宿昔
嶠南遊歷徧西東
山川多助新詩裏
花鳥愁添老眼中
萬里歸來好同隱
竹林今祇欠王戎

五年奔走敝征衣海上相親半是黎望斷故園無旅鴈
心驚中夜聽荒鷄豈知南渡能還北更笑東來又向西
多謝故人尋訪意千山萬水不曾迷

許崧老三友篇贈珪老

平生我三友四海吳李孫抱能不時施戎馬生中原孫
既北隨難落日黃塵昏吳亦南投荒蠻瘴愁朝暾李今
又去我浮槎雜鼉鼉飛濤渺何極海天相吐吞蘧蘧遺
此老死生信乾坤顛沛吳江渚投依楚山樊脩水抱蒼

巔劍氣埋雲根，脩然竹林下。乃有幽人存，神交跡兩忘。
高風嫋孤旂，慰我念友心。方外得所敦，空寂湛禪悅。中
有詩清溫，我亦忘世者。早窺治亂源，忠臣泣廟社。志士
傷丘園，欲持一寸膠，往澄九河渾。晚知未得力，緡經委
空言。迨此從君遊，始脫百憂繁。五君與六逸，歲久名方
尊。他日竹菴東，更開支許軒。

周元仲來自湖外，傳示崧老贈東林珪三友篇，讀
之慨然，因次其韻。

粲粲襄陵翁大嶽九世孫文章老益奇於道見本原我
生植艱虞慘澹風霾昏挽翁共出力一廓扶桑瞰芬馥
蓺蘭芷神姦伐蛟鼉此志竟蕭條相顧聲為吞遠遊負
深覺行偏西南坤憶昨遇江上攜手廬山樊林間接軟
語窮盡興哀根三年隔瘴海豈謂我尚存何嘗知棗梨
頗亦聞風旂讀翁三友篇雅契久彌敦江南盜雲擾岨
起巢與溫翁今渺安在猶滯脩水源我病寄閩嶺栖息
僧家園百念悉灰冷窺見易象渾區區不自量信筆箋

微言逝將從翁遊
淬礪刪其繁
三聖邈已遠
萬古同所尊
何當進此道
對坐虛明軒

三月二十五日邀吳民瞻鄭夢錫李似之陳巽達
周元仲遊賢沙鳳池二首

招提環擁碧崔嵬
攜客登臨始此回
寺比道林多掩抱
峯如靈隱解飛來
烟霞深處鐘磬響
杉桂香中殿閣開
莫道釣魚人已寂
至今說法尚如雷

右賢沙

鳳去空餘舊浴池竹梧交蔭翠參差雲隨履齒生松磴
泉合琴心瀉石陂幽討平生如此少清閑今日許誰知
道人為築紬書室杖履來遊更卜期

右鳳池

次韻奉酬鄧成材判官二首

漂泊兵戈到越山不妨還整切雲冠乾坤策裹空真象
龍虎爐中養舊丹靜愛白雲歸遠岫時邀明月下層巒
此生已作長閑計祇願朝廷四海安

文場妙譽久推豪筮仕猶從州縣勞野鶴未應羣鴈驚
幽蘭初不掩蓬蒿千尋挺節無霜霰萬里搏風有羽毛
好去江南吐奇策從來勲業屬吾曹

次韻陳中玉大卿二首

初官託此記當時晚誤明恩入紫微天邑禦戎同象弭
海邦避地各緇衣能詩解飲陶元亮去國還家丁令威
漂泊不須傷客寓無何為室更安歸

叨塵黃閣值明時推挽英髦愧力微海上相逢顏愈渥

篋中誰謂出無衣
救焚拯溺非天數
脩政攘夷賴主威
舊國故鄉休悵望
中興恢復佇旋歸

遊鼓山靈源洞次周元仲韻

碧海吸長江
清波逾練淨
我為鼓山遊
潮落初放艇
連峯翠崔嵬
倒影涵玉鏡
捨舟訪招提
木末繚危磴
凌雲開寶閣
震谷韻幽磬
乃知大叢林
托棲必深窺
靈源更瓌奇
巖壑相隱映
森羅盡尤物
無乃太兼并
偉哉造化力
至巧於此罄
烟雲互卷舒
變態初不定
豈惟冠一方

實最東南勝周行洞沔中泉石若奔競飄蕭毛髮清滌
濯肺腑瑩當年喝水人端恐溷觀聽是心如虛空動寂
豈妨並兵戈正聯綿幽討亦云幸相攜得佳侶散策謝
軒乘媿安朝夕間未可笑趙孟淹留遂忘歸悵望雲海
暝不負惠詢期更起滄洲興

六言頌六首贈安國覺老

大虛一點真氣都蘆半掬水中堪笑鍾離散漢付與安
國禿翁

心似蓮花疏通身如靈龜藏蟄三十年來住持不曾嚼
破一粒

本來滴水凍豈礙徹風徹顛欲問東西祖意莫嫌喫
飯參禪

不用讀書讀史自能說西說東若人欲了此法一源通
處皆通

信口長吟短詠落筆春蚓秋蛇萬法無心契合絲毫擬
議即差

莫問是魔是佛休言學道學禪若能不作聖解便是人間散仙

寄呂相元直

許國精忠不計身據鞭矍鑠邁前聞親提貔虎三千士
力破豺狼十萬軍江表已欣迎騎氣淮壖行慶掃妖氛
勞公力贊中興業衰病安然卧白雲

留題天寧明極堂

久客若飛蓬年年氣味同猶欣容榻地更得化人宮鬱

勃炎蒸極巍峩棟宇雄疎林碎搖月虛館迴含風萬戶
軒楹外三山指顧中靈潮自朝夕大舶各西東悵望關
河遠蒼茫雲海空餘生寄閑曠任運學龐翁

季夏之初自安國遷南臺天寧寺依南山而面北
暑氣尤盛暇日望山頂松林鬱然意必有異因
穴垣鑿磴以造其上形勢坦平風日清美四顧
山巒環合江潮往來景物不可模狀月出林表
清光更多夜久聞寂殆非塵世作古詩二十韻

以紀其事奉呈巽達元仲

旅泊不求安小憇南臺宮軒楹盡北鄉盛暑墮甑中開
垣追微涼山頂羅千松煩襟忽破散濯此萬里風羣山
遞環遶雲物增奇峯江潮信有期來去初不窮嘯詠得
所托幽禽亦玲瓏青霞蔽落日皎月生於東清光入疎
林照我鬢髮鬆壯年幾何時倏忽成衰翁願餐日月華
為駐冰雪容二子皆靜者翛然此相從靈丹論秘訣妙
理談真空兵戈滿寰瀛此樂豈易逢猶恨邇城市時來

車馬蹤迹將選幽僻誅茅寄蒙籠灌溉荔支園可敵萬
戶封屋前修竹合屋後流溪通風月應更好清歡永相
同稚川晚聞道尚冀刀圭功

次韻劉倅寄荔支

色味芬芳壓衆包誰將橘頌入離騷非緣人力栽培至
自是天資品格高璀璨萬星直偉觀崩騰百馬亦良勞
南來坐享吾何幸更把蘇禪與醉逃

次初訪許子大龍圖於東山大乘寺留飲觀荔支

物外仙家長自春隱淪何必為逃秦祇應榴洞贈花者
東山榴花有誤入者洞中人以榴花一枝與之便是桃源種樹人丹荔枝頭星
燦爛白雲峯頂玉嶙峋主公留客非無意端為出山多
世塵

王豐甫待制會宴湖亭

畫棟翬飛暇曲塘主人情重啓華觴月搖波影鱗鱗碧
風入荷花冉冉香散策幸陪終日適開襟還喜十分涼
天涯隨分同清賞何必南園作醉鄉

秋日奉陪王豐甫許子大康平仲遊賢沙宿鳳池
登昇山偶成二首

飛來聳翠一峯孤，鳳沼幽深若畫圖。
釣艇謝亡難復契，彈琴穎在且相娛。
心閑自與親泉石，車穩何妨載酒壺。
萬壑千巖爭競處，不須惆悵憶東吳。

追陪杖屨極幽尋，共宿精廬上翠岑。
鳳鳥不來空碧沼，仙人已去得黃金。
月林散影瓊瑤碎，烟水澄光組練深。
欲把詩篇與收拾，登臨誰會此時心。

奉同王豐甫韻

年來華髮忽盈頭，欲駕雲帆訪十洲。
且向林泉窮勝賞，更欣樽俎接英遊。
江山醉眼渾如夢，風月疎簾與上鉤。
舊國舊都何處是，不堪回首仲宣樓。

次韻王豐甫同遊西禪斗車堂

傑閣雄樓杳靄間，佳辰良夜共躋攀。
斗回高柄臨華棟，月湧清光出遠山。
急景行將悲晚晚，此身難得到寬閑。
世間百慮何時了，且對金樽一解顏。

九日諸季散處長樂外邑悵然有懷二首

去歲初從海上回
重陽相與醉高臺
那因寇盜遷南土
阻挿茱萸共一杯
老矣但思情話切
惺然更望足音來
黃花也解知人意
故向籬邊未肯開

終朝兀坐但焚香
身世翛然已兩忘
收拾江山歸古錦
招邀風月入虛堂
鵲鴿散去波翻海
鴻鴈歸來天雨霜
命駕莫辭佳節後
菊花開日即重陽

次韻陳中玉大卿見贈

奔走連年厭庾塵每觀前史愧良臣
退藏願學靈龜螯進取寧希尺蠖伸
黃帽青鞋從素志蒼顏華髮愧陳人
功名老去渾無味麴蘖愁來覺有神
且把江山聊寓目須將夢幻與觀身
羲書得象誰知者更抱遺經究獲麟
漂泊干戈行路塵端知奔命為巫臣
德同蘧瑗知舒卷時在莊周有屈伸
皂蓋朱旂多舊愛石渠東觀正當人
未將老手司文翰且賦新詩泣鬼神
淮浦追尋三改甲天涯相遇兩開身
中興作頌須元結瑞國當為一角麟

送周元仲訪親桐廬

西風嫋嫋水增波送遠其如旅況何
身寓甌閩饒寇盜心馳關塞阻
兵戈羨君有志尋華萼顧我無因
到浙河
若見交遊問消息為言衰病鬢絲多

鄭夢錫教授送黃精以詩答其意

太陽之草名黃精養性獨冠神農經
掃除白髮有奇效採食既久通仙靈
年來衰病乃如許瘴癘憂患頻相仍
稍從方士學服餌桑榆庶以延頽齡
鼎中九轉未遽就

聊假草木塞其英閩山無雪苗可識勞君為我鋤青冥
封題寄遠意良厚不道山寒少茯苓蜜蒸日暴試新法
入口便覺身倍輕只今兵革未衰息羣盜蜂蟻猶縱橫
何須運甕習筋力會當一舉騰上煙雲之翠屏

初見梅花三絕句奉呈王豐甫待制

江梅何處不先春海嶠初逢若故人誰謂冰姿太清淡
一回相見一回新

開花不許衆芳知冷豔幽芳特地奇霜霰不飛閩候暖

更留綠葉伴青枝

每將香醪學江梅及嗅梅花始覺非
月夜故園浮動處攀條嚼藥幾時歸

奉寄呂丞相元直

出擁彫戈入袞衣江城重詠我公歸
手扶日月還黃道足履星辰上紫微
已集羣英熙帝載好施長策復邦畿
海濱病叟無他望側耳天聲暢國威

年來衰病不堪論華髮蕭蕭滿鬢根
藥杵聲中銷晦朔

羲書畫裏見天真山僧結社成初定
野老扶筇過遠村
休運定知興復近
剡節麴蘖入瓶盆

以舊賜戰袍等贈韓少師二首

并序

某靖康丙午春以尚書右丞充親征行營使時少

師韓公實隸麾下每嘉其有忠勇邁往之氣建

炎丁未夏蒙恩召除右僕射赴行在所少師遂

于睢陽遠郊戈甲旌旗輝映道左迄今六年

某

以罪戾憂患之餘卧疾江海少師被命宣撫閩

部相見有故人戀戀之意既而躬率將士克復
建城討蕩羣寇一方寧謐奏功凱旋將復言別
隨行有舊賜紫絲戰袍鏤裝松文劒鍍金銀纏
寄鎗金花園牌山林病夫無所用之輒以為贈
願持此為聖主折衝禦侮討叛敵愾建中興之
功使衰病者增氣不其韙歟賦詩二章以識別
且見意云紹興壬子仲春晦具官某序

寇騎當年犯帝閭腐儒謬使護諸軍尚方寶劍頻膺賜

御府戎衣幸見分
丈八蛇矛金纏笥
團欒獸盾繪成文
山林衰病渾無用
持贈君侯立大勲

舊欽忠勇貫三軍
每一相逢更絕倫
鐵馬金戈睢水上
碧油紅旆海山濱
氣吞勍敵唐英衛
力破羣兇漢禹恂
聖主中興賴良將
好陪休運上麒麟

奉贈宣撫孟參政二首

赤子潢池學弄兵
柄臣仗節到閩城
布宣威德雷霆奮

克建城日
雷初發聲

慰撫烝黎雨澤傾

自去冬久旱
王師來乃雨

鏖戰指蹤煩

妙畧凱旋鐃鼓震驩聲靈旗徑向江湖去早定艱難底
太平


睢陽一別五經春邂逅相逢瘴海濱華髮知公因國事
蒼顏顧我久埃塵綈袍念舊故人意藥裏關心多病身
入覲從容見知舊為言祇欲老垂綸

題止戈堂二首奉呈安撫程待制

會府繁雄冠列城恩頒符節付名卿貅貅戰罷烽烟息
豺虎銷除氛祲清齋閣已聞鈴索靜提封更絕羽書驚

止戈當自甌閩始願挽天河洗甲兵

武備森嚴燕寢東華堂高敞靚相通坐令戈甲韜藏地
盡在樽罍談笑中案上屈盤香篆裊庭前磊砢荔支紅
偃藩樂事今多有更詠周詩祝屢豐



梁谿集卷二十八

欽定四庫全書

集部

梁谿集卷

二十九至
三十一

詳校官庶吉士臣張溥

侍讀臣孫球覆勘

總校官知縣臣楊懋珩
校對官中書臣潘奕雋

謄錄監生臣陳太初

欽定四庫全書

梁谿集卷二十九

宋 李綱 撰

詩二十五

自士子歲宣撫荆廣赴
長沙以後作三十九首

蒙恩除荆湖廣南宣撫使知潭州具奏辭免二

首

辭免不允蒙恩遣使降賜趣行不獲已受命二

首

五月六日率師離長樂乘舟如水口二首

行次昭武展省祖塋焚黃因會宗族二首

道臨川按閱兵將次錢巽叔韻三首

道廬陵遊青原山謁保寧宗老一首

八月十一日次茶陵縣入湖南界有感

次衡州二首

降步諒二萬衆口號四首

不果到南嶽二絕

宿嶽麓寺

初入潭州二首

到長沙月餘即上章復丐宮祠以詩陳情寄呂

丞相元直

罷歸二首

教習戰艦五絕

初去長沙有感

自長沙至醴陵道中田皆墾闢道傍有築室而

居者

春暮江南道中有感 宿疎山戲成一絕

道武夷冲祐觀壁間讀翁士侍郎中留題追懷

感愴二首

自水口泛舟如長樂

蒙恩除荆湖廣南宣撫兼知潭州具奏辭免

得罪明時忽六年生還新自海南邊分甘伏死巉巖下
豈意猶還大將權老似廉頗徒喜飯才非祖逖敢先鞭
一封瀝血輸誠懇深冀皇慈為惻然

昔年宣撫兩河間行次覃懷已召還壯志久拚身似葉
巧言終使罪如山士風欺蔽猶前日君命牢辭祗厚顏

回首追思七年事孤危易感涕空潛

辭免不允蒙恩遣中使降賜趣行不獲已受命二

首

聖主隆恩雨露頒特迂星使下天關自嗟犬馬雖衰疾
敢避朝廷正急難龔遂有心安渤海謝安無計戀東山
中原恢復吾何敢且與君王鎮百蠻

頻年巨盜據荆湖自是廷臣計畫迂虎兕儻令隨指擾
瘡痍可使即時蘇上流自昔多雄鎮內靜方能備外虞

子賤只憂還掣肘文侯解信樂羊無

五月六日率師離長樂乘舟如水口二首

力疾驅馳為主恩敢辭炎暑道途勤五更鼓角催行色
百里旌旗拂曉雲閩粵乍開新幕府瀟陵初起舊將軍
江山滿目難留戀試擁彫戈靜楚氛

畫舸連檣泛碧波瀟湘去路飽經過山川煥發旌旗色
將士歡娛鐃鼓歌舊學但曾聞俎豆暮年何意揔干戈
據鞍馬援平生志豈在驪駒白玉珂

次昭武省祖塋焚黃因會宗族二首

不到鄉閭二十秋，幸因帝命得來遊。
過家上塚懷先德，醢酒揮金學故侯。
季子歸來饒印綬，魏舒起廢擁貔貅。
自嗟慷慨擬鞍客，不及當年馬少游。

兵火燒殘井邑空，谿山依舊夕陽中。
故鄉自昔悲遊子，壯歲來歸今老翁。
細認里閭尋樹石，怪看旌旆走兒童。
王師新定回源盜，猶喜田家歲事豐。

道臨川按閱兵將錢巽叔侍郎賦詩次其韻三首

平生多難豈能賢
恩許猶持閫外權
貔虎幸蒙分壯士
桑榆愧已迫衰年
枕前鼓角元戎報
帳下更籌契箭傳
多少豪英志恢復
問誰先著祖生鞭

酷暑脩途起戴星
恨無鵬翼激鯤溟
折衝未論攘無敵
假道何妨小勒兵
試使觸銳齊作止
敢言旗幟益精明
三軍醕醑皆呼舞
賴有賢侯守郡城

經綸屯難正雲雷
誤沐恩光玷上台
報國有心同犬馬
和羹無補愧鹽梅
偶持漢節如荆楚
幸會羣英共酒盃

更辱佳篇與褒飾珍藏他日詫田萊

道廬陵遊青原山謁保寧宗老一首

老病維摩卧七閩欲邀瓶錫伴閒身愧無拂石眠雲分
來作輕裘緩帶人小隊入山風嫋嫋飛泉出寺石磷磷
煩師更舉西來意一點陽和萬物春

八月十一日次茶陵縣入湖南界有感

憶昔湖南全盛日郡邑鄉村盡充實連年兵火人煙稀
田野荆榛氣蕭瑟我初入境重傷懷空有山川照旌節

試呼耆老細詢問未語吞聲已先咽自從北騎犯長沙
巨寇如麻恣馳突殺人不異犬與羊至今澗谷猶流血
盜賊縱橫尚可避官吏貪殘不可說挾威倚勢甚豺狼
刻削誅求到毫髮父子妻孥不相保何止肌膚困鞭撻
上戶逃移下戶死人口凋零十無八九重深遠那得知
使者寬容失譏察今朝幸覩漢官儀願使斯民再蘇活
我聞此語心如摧平生況有陽城拙行移州縣遣官僚
盡罷科須治姦猾巨蠹推窮付囹圄社鼠城狐掃巢穴

削平羣盜拊瘡痍報政何須待暮月祖宗德澤感人深
周漢正賴宣光哲中興之運期有在庶以涓微助溟渤
少陵酷愛春陵行千古知心有元結

次衡州二首

重陽日曹成以七萬人
過城下赴本司公參

搖落霜林一半紅
瀟湘秋色有無中
未尋嶽麓抱黃洞
先到衡陽回鴈峯
茱菊有情迎九日
旌旗無力舞西風
年年佳節多行路
玉帳樽罍幸不空

弄兵赤子滿潢池
渤海龔生真吏師
欲使循良買牛犢

會須哀痛問瘡痍東南王氣雖方振西北流民自可悲
七萬虎狼皆斂戢廟堂還有阿誰知

馬友餘黨步諒等以萬衆自江西寇湖南破醴陵
攸縣屯於衡山縣界得報即自衡陽率師次衡
山遣兵將夜渡江晨叩其壘賊出不意悲解以
降放散驅虜老弱外得精兵七千人分隸諸將
漫成口號四首

貔貅一夜渡湘江賊壘朝臨盡出降自古成功在機會

周郎赤壁豈難雙

王師破賊凱歌還
積甲高於熊耳山
盡選精強付諸將
威聲已足鎮荆蠻

赤眉銅馬與黃巾
漢魏收功豈異人
駕馭撫綏要有術
從來盜賊本王臣

祝融道上蒼生雨
萬事須知總是天
宣暢威靈聊塞責

乞身從此老林泉

春初有術者推大衍數有詩云祝融道上為蒼生雨及降步諒之衆正在

衡山乃知萬事皆非偶然也

余兩過湖湘皆以事阻不到南嶽今自衡趨潭意
謂決可一到又以新討降步諒之衆不果往為
之悵然成兩絕句

衡嶽崢嶸倚太清長時霧雨少晴明我來却恨緣征討
不得祝融峯上行

七年三到楚江邊阻上衡山信鮮緣此去便為歸老計
不知重到是何年

宿嶽麓寺

嶽麓久不到兵戈浩聯綿及茲再來遊蓮宇猶依然隔
江望城郭瓦礫稀人煙十里無草木髡盡羣山顛老僧
舊相識為語當時緣寇騎中宵來烈光照天殺人知
幾何浮屍蔽長川巨盜繼憑據姦貪爭弄權誅求到骨
髓荆棘生荒田茲山二三刹危甚偶得全至今齋厨室
不給粥與饘步上法華堂試酌白鶴泉泉味儼如昔松
竹自碧鮮端如君子操不為治亂愆開永空堂慷慨不成
眠安得有志士王道還平平太平復舊觀山林寄餘年

初入潭州二首

長沙自昔號繁雄，兵火連年一掃空。
猶有江湖資險固，恨無方畧暢威風。
旁通川陝關河遠，下視荆襄指掌中。
聖主中興當自此，無因借箸感堯聰。

昔年假道過長沙，煙雨濛濛十萬家。
棟宇只今皆瓦礫，生靈多少委泥沙。
寸心報國渾忘老，四路宣風靜不譁。
祇願吾皇假年月，直從襄漢定中華。

到長沙月餘，即上章復丐宮祠，以詩陳情寄丞相。

元直

衰病投閑不記年
誤恩暫到楚江邊
布宣威德銷羣盜
循撫疲瘡理廢田
報國固將求尺寸
乞身又欲老林泉
歸歟晚節知無悔
賴有元台為保全

余行次衡陽彈壓曹成七萬餘人出湖南境移師
衡山降步諒二萬衆既入長沙次日即遣師降
王進三千人於湘鄉縣七星寨復破王俊三千
餘人於邵州其餘羣盜以次討定凡五萬餘選

擇精銳得萬二千人分隸諸將境內遂安流移
歸業上章復丐宮祠未報間聞有旨廢宣撫司
及以言者罷去有感二首

起廢無因許退藏報恩欲效短中長固知吉甫無張仲
猶冀文侯知樂羊破賊功名嗟寂寞吞燕志氣已淒涼
春鴻秋鷺空來往昭氏成虧可兩忘

大將呼來若小兒片言罷去復何疑才如頗牧猶遭譖
功似韓彭未免危往事幾番萋菲織孤忠惟賴聖明知

歸歟久得山林趣丹荔青蕉正是時

長沙有長江重湖之險而無戰艦水軍余得唐嗣
曹王臯遺制創造戰艦數十艘上下三層挾以
車輪鼓蹈而前駛於陣馬募水軍三千人日夕
教習以二月十八日臨清湘門按閱旌旗戈甲
一新觀者如堵成五絕句以誌之

車船新製得前規鼓蹈雙輪勢似飛創物從來因智者
世間何事不由機

戰艦初成閱水軍旌旗戈甲照湘濱
潭人未識舟師制歎息工夫若鬼神

長江巨浸雖天設控制隄防本在人
暇日不為堅守計臨危何以扼通津

曹瞞百萬瞰江濱誰遣孫郎會解紛
滿眼旌旗風浪裏景升方覺是雞豚

劉裕當年西入關樓船浮渭取長安
不施艫櫓爭先進坐使秦人破膽看

初去長沙有感

恭承嘉惠半年餘千里宣風愧術疎
豈有恩威思將士漫勞稚耄擁輪輿
魚歸江海身方適鳥出樊籠意已舒
多謝吏民相眷戀使君此去欲懸車

自長沙至醴陵田皆墾闢有築室而居者

年來盜賊若冰銷襁負歸民滿四郊
烟雨一犁初破土江村環堵且誅茅
瘡痍不擾生新肉燕雀無虞返舊巢
安集勤斯徒自歎勿令虎兕更咆哮

春暮江南道中

江上風光爛不收，一年春物又將休。
鳴鳩乳燕自相得，飛絮落花如許愁。
目極關河天杳杳，身歸閩粵興悠悠。

往來踏遍江南土，已約幽人老一丘。

臨川過東林，珪相約同老林下，故有

是句

宿疎山戲成一絕

疎山緣熟豈無由，暫到人人識故侯。
臨別慙勤語禪子，祇求託宿不來遊。

道武夷沖祐觀壁間讀翁士侍郎中留題追懷感愴

二首

昔年曾謁武夷君先遣瑤山入夢魂舊事追尋如電激
此身來往任雲奔羣峯縹緲凌空翠一水縈紆帶雨渾
願向明時乞骸骨誅茅深隱洞中門

昔年曾約武夷孫仙賞心違莫共論地下修文君已遠
世間多難我猶存題詩屋壁事如昨灑涕烟霞聲為吞
英爽故山應未泯試憑楚些與招魂

自水口泛舟如長樂

行盡青山泛碧溪，湖平波穩畫船移。
春鴻秋燕豈人力，明月清風長我隨。
萬事糾紛何日了，一生襟抱有誰知。
落帆已到釣臺側，恰似南柯夢覺時。

梁谿集卷二十九

欽定四庫全書

梁谿集卷三十

宋 李綱 撰

詩二十六

自癸丑歲歸抵三山以後作三十六首

自天寧遷居城東報國寺

颶風二絕句

西軒小池荷花盛開與賓客酌酒其上以荷為

杯引滿徑醉

初食荔枝四絕

詠懷十六韻

月夜獨坐二絕

仲輔叔易遊黃蘗還以詩軸相示為賦二篇

諸季遊東山置酒賦詩余以病不果往次其韻

送李似之舍人歸連江二首

知宗端禮出示曾信斯展鉢之作次韻

題唐氏所藏崔白畫雪中山水

題崔白畫江天雪景 春曉聞衆禽聲有感

初見牡丹與諸季申伯小酌

小庭中作茶釀架遂試新花與客對飲

與叔易弈不勝賦著色山水一篇

有詔舉賢良作詩勉申伯使繼世科

申伯見和有未肯承當之意次韻報之二首

次韻勉申伯叔易

仲輔作詩梗之再次韻

復次韻闕之

端禮知宗寵示水石六軸戲作此詩歸之

千葉碧桃二絕

許右丞詩二篇

追和許松老詩二篇

絕句約珪禪師同食荔枝二首

自天寧遷居城東報國寺

多病維摩祇一牀徙居又復借僧房
荷花欲吐乍舒葉荔子未丹先有香
皓月解尋朱戶入南風偏徬北牕涼
吾年半百行休矣萬事悠悠皆可忘

颶風二絕句

自從嶺海入閩中乃始今朝識颶風
南極只愁天柱折

蘭臺休更論雌雄

雲氣飄揚萬馬馳
占風先有土人知
飛沙拔木渾閑事
祇怕山園損荔枝

西軒小池荷花盛開與賓客酌酒其上以荷為杯
引滿徑醉

池上荷花一夜開
呼賓小酌共徘徊
試將曲柄黃金杓
注此虛心碧玉杯
風露暗隨香氣入
雲山盡向坐隅來
頽然徑醉君知否
不醉須為造物咍

初食荔枝四絕句

所居報國有十八娘荔枝

烟雨濛濛半暑時，輕紅旋摘自提携。
不知誰是善知識，斷送歸家食荔枝。

平昔傳聞十八娘，豐肌秀骨有餘香。
今朝親到芳叢下，應許幽人饜飫嘗。

堆盤盛喜珠璣滿，繞齒乍驚冰雪香。
病酒相如正消渴，不妨時擘絳綃囊。

南海何年貢荔枝，知音千古有揚妃。
華清賜浴嬌無力。

一騎紅塵初到時

詠懷十六韻

衰年萬事懶此志有誰知
偶爾出何意泛然歸不遲
休為鵬鳥賦幸及荔枝時
水石日在眼旌旌非所思
攜琴傍松徑置酒俯蓮池
粲粲水花淨蕭蕭風葉披
忘言聊隱几得趣剗園基
天地慘將暮風雲徒爾為
物華去苒苒草色自離離
密勿猿鶴侶迢遙丘壑姿
親朋有情話圖書皆吾師
掃室僅容膝說詩真解頤
多慙鷓鴣羽且

詠鵲鵲詩逸少誓獨苦孔君休乃宜平生滄海約歲晚
鹿門期喜近清秋節那為宋玉悲

夜月獨坐二絕句

氷輪杳杳碾層空獨坐淒然秋色中深院無人共清景
靜聞金井落梧桐

廣寒宮殿碧霄傍散下霏霏風露香斟酌姮娥憐我老
故窺書幌照人牀

仲輔叔易招客同遊黃葉還以詩軸相示為賦二

詩

招提古黃蘗環揖盡青山我病未能往子行真是閑猿
聲翠屏外虹影碧潭間好句聯珠璧清新詎可攀

江外留禪老佳名借此山忘心寧戀著寓意為幽閑大
士說法處片雲生坐間他年筋骨健相約更躋攀

諸季招客遊東山置酒賦詩以病不果往次其韻

衰病年來百事闌禪居環繞盡青山登高選勝從君樂
隱几忘言輸我閑一枕清風銷永日三杯濁酒發酡顏

雀羅可設從來事東閣常開不是慳

送李似之舍人歸連江舊隱二首

羨君卜築粵江濱去作林間適意人環揖溪山供勝賞
賸栽桃李占芳春養生有主身長健與物無心道轉親
一曲鑑湖歸賀老可能分半乞比鄰

衰病慘然寂寞濱已將小隱約幽人眠雲嘯月有餘樂
問柳尋花無限春爭席樵漁真得計會心魚鳥自相親
醉鄉况有閑田地應許東臯更卜鄰

知宗端禮太尉出示曾信斯展鉢之作奉次元韻
忘情鼎食豈無因應悟從來夢幻身自愧毗耶多病客
阻陪蒲塞淨緣人心源瑩澈了空法舌本圓通透味塵
信厚振振流澤遠巍然一角見天麟

題唐氏所藏崔白畫雪中山水

我昔曾為陽羨遊正值雪花大如掌開門恍訝天地白
雲湧羣山入書幌銅官遠並玉峯寒晝暗流水片響
千巖萬壑爭出奇應接高低迷俯仰十年不到浙江西

寤寐勝遊勞夢想大梁崔白豈善幻斷取山川移異壤
當時眼界無盡觀都在一幅生綃上南方炎熱瘴癘地
使我脩然毛骨爽天光慘淡陰氣凝片片飛花來蒼莽
毫端造化成六出不比餘工得其髣連峯合沓波濤翻
負雪崔嵬幾千丈谷幽草木枝幹老巖曲樓臺簷角敞
溪頭水落正石出暮靄沉舟暗魚網山牆野壁茅屋深
風颭青帘如五兩買魚酌酒者誰子應有幽人坐同饗
平生愛雪喜山水對此乍覺神情悅明牕靜看久愈妍

似倩麻姑為爬痒一時名手真絕藝妙處工夫誰與賞
生前裘馬頗蕭條身後丹青空惆儻惠崇聲價亦相先
滕薛未知當孰長我家梁谿富溪山雪裏寒光含萬象
每同子猷乘小艇不數王恭披素氎故山猿鶴會相思
感物興懷增勇往時平事定歸去來安得飛翰出塵鞅
題崔白畫江天雪景

朔風飛花落暮灘瀟然幽致滿江干天邊白鷺輕輕下
風裏黃蘆索索乾水淡沙平鷗鷺侶雲深烟暝鵲鷓寒

江南歲晚多風景崔氏齊驅入筆端

春曉聞衆禽聲有感

春山蒼莽天欲明枕上靜聽春禽鳴雛鷺初嚙正調舌
姍姍乍聞三兩聲不如歸去意良切脫却潑袴何由行
愁人最是斷消息姑惡更覺聲嬌穉布穀催耕雨纔足
鶉鳩喚婦遠將晴其餘不復識名字雅音幽韻如簧笙
天公憐我太寂寞故遣尤物怡吾情鸞歌鳳舞未可見
候蟲時鳥聊嚶嚶我生半世困漂泊巧言讒謗飽所經

杜門却掃與世絕欲室兩牖忘雷霆爾聲雖好太饒舌
逼耳頗似虛弦驚就中提壺可人意勸我沽酒花間傾
心懷百憂只欲睡更願常醉不用醒落花芳草正可藉
玉山自倒知誰令烏啼鵲噪錯昏晝燕雀啾唧環簷楹
從教一一恣嘲弄吾方深入無何庭

初見牡丹與諸李申伯小酌

牡丹家中州尤者西邑洛姚黃妃魏紫餘品皆落窳南
方瘴癘地寒暑互參錯浪蘂與浮花未春先已作安能

萃和氣孕此木芍藥今朝眼忽開數朶到書閣郁然蘭
蕙芬爛若雲霞爍雖非千葉繁香色亦不惡花王苗裔
遠氣格尚宏廓羣芳類凡禽累百慙一鶚把酒共對之
寄意良匪薄無辭倒金樽坐使花空落

小亭中作茶釀架遂試新花與客對飲

旋裝新架對庭除多謝春工與點酥雲葉扶疎成翠幄
玉花浮動滿龍須招邀蜂蝶來書幌燕集賓朋共酒壺
陰釀欲教香入骨醉中芳馥任歌呼

與叔易弈不勝賦著色山水詩一首

將軍思訓久為土龍眠道人亦已亡誰將丹青寫山水
入我宴坐虛明牕峯巒迴複吐雲氣林木窈窕籠烟光
丹楓半落天雨霜漁舟招招靜鳴榔野橋巖寺遞隱見
浦花汀草何微茫江邊落日尚返照山頭正作金色黃
縈青繚白有餘態却笑水墨無文章畫工畫意不畫物
咫尺應須千里長具區約略貫苔雪赤岸髣髴通瀟湘
安得僊翁一葉艇使我超忽窮江鄉

有詔舉賢良方正作詩勉錢申伯使繼世科

中興天子開賢科
籠絡英俊歸網羅
此科久廢習者少
應詔正恐人未多
君家三世五制舉
名與嵩華爭嵯峨
玉堂金馬皆故物
高文大策垂不磨
今君落筆妙天下
該洽辯博如懸河
胡不進卷對廷策
清芬遠紹揚其波
勒兵小試見家法
坐却勅敵揮雕戈
君如有意作大將
我願薦信同蕭何
功名晚達未為老
志氣方壯靡有他
勉哉努力為門戶
慎勿自棄成蹉跎

申伯見和拙句且示七言律詩兩章有未肯承當
制科之意次韻報之

才性如君豈易窺斷碑摸索已無遺百家小說都成誦
一藏魔言摠記持東里多知工潤色西施雖病善顰眉
制科便與承當取正是逢場作戲時

聖朝制舉萃高門文采風流日益新功德在民尤表表
子孫宜爾又詵詵策名當學富彥國避世休同梅子真
響答詩筒逼皇祖讜言驚世更何人

申伯和篇舉叔易自代叔詩復推申伯要之二子
皆當由此科取重名於世恨吾資妄高不得偕
二子鳴躍其間復次前韻以兼勉之

古來豪傑收殊科眇然鸞鳳亦可羅漢唐選舉最為盛
我宋得士良已多危言切論動天壤陸離劍佩冠巍峨
至今凜凜有生氣豈與草木同銷磨自從罷舉樂軟美
馴致戎馬窺關河翠華兩宮狩沙漠疊鼓萬里翻鯨波
睿明感憤復舊制欲起士氣寧兵戈多材好學如二子

辭此其奈制舉何青錢萬選當萬中善射不復言公他
勉將忠讜助休運嗟我老矣真蹉跎

申伯叔易再和詩將有從吾言之意而仲輔作詩
梗之以故未果復次前韻既助其決且戒勿與
仲輔謀也

嗟予於世誠左科屏居門可設雀羅弟昆相從有良友
靜中所得亦復多微言造理極壺與高論蓋世驚嶻嶭
含章懷美待時發資質已妙猶鐫磨明廷策士復古制

使我意氣如奔河作詩勸自此途進往駕巨舸凌長波
成功相期一戰霸大敵褫冕皆投戈篇章酬復未勇往
謙退將若斯文何定從當以一語決幸勿傍顧而言他
要須勿與少游議政恐此志成蹉跎

詩三復往而二子之意猶未決吾知之矣復次前
韻以闢之

僊家佛氏各有科所舉淨土與大羅癡人妄想到其處
堅守丹鼎翻貝多胸中有此一念故積慮便作層冰峨

超然了達無闕者應物不磷誰憂磨叔兮愛仙事爐竈
擬驂鸞鶴翔雲河錢子貪佛為藏轉欲以一月分千波
乃將世故與陳說坐使談笑尋干戈願君捨遠聊自近
濟世不曰如之何我方衰病卧江海駭俗頗似哀駘他
驂騑見鞭行甚速期子自策勿蹉跎

端禮知宗寵示水石六軸戲作此詩歸之

閩溪盤屈七百里贛水湍瀉十八灘何人作此極變態
使我當暑毛骨寒小山屹立奔猛裏飛浪洶動巉巖間

喧飗似有雷霆響，回薄乍疑霜雪翻。
枯槎石上盡堅瘦，蒼波噴浸尺度慳。
畫工不復畫舟楫，意謂絕險無敢干。
豈知操舟若神者，出沒濤瀨心甚閑。
崎嶇世路更巖惡，返視此畫平而安。

千葉碧桃二絕句

春光欲暮碧桃開，烟露相和染玉腮。
仙苑何人移得種，風光疑自茂陵來。

每恨桃花抵死紅，年年穠豔笑春風。
誰知零落隳脂後，

淺碧微開烟雨中

翰艤舟大藤峽口武陵使至忽奉福唐珍牘附以
古風招隱攬之欣聳有會初心而分間之命下
已久矣詠歎不已復次舊韻用寄惓惓冀一觀
省

避兵窮嶺海我豈文休孫慨彼鳴鳳郊化為逐鹿原北
吹戰塵腥南接瘴霧昏森然一彗孛敢近六龍瞰轉舟
大藤峽脫死鱷與鼃纜裊蒼崖樹落日銜未吞忽得素

書尺若闢黃裳坤招我以隱淪雉澤遺塵樊游心太易
初擢遂萬化根耿光百世後樂此不亡存寧知虎符下
擁公萬旌旂英威祖豫州非心折王敦從容謝東山逆
氣沮桓溫自昔國其國治忽信有源豈容社稷鎮端老
孤獨園至人心淑清一為斯民渾胡騎却長嘯晉史徒
清言武侯揮白羽亦有軍務繁要封鯨鯢觀復睹宸極
尊功成去冥冥與我俱鴻軒

辛亥三月繫舟瀟湘得邵武柳州二丞相正月初

書撫事感懷寄此長句

回鴈峯南楚越分
瀟湘烟水思離羣
林寒欲暗他江浦
月出先明半嶺雲
客子無歸迷世路
故人不見隔兵氛
春風空寄相思字
冠鄧經綸早晚聞

許崧老賦三友篇以遺東林珪禪師余嘗次韻和之未幾余被命宣撫荆廣崧老復以詩來曾未一歲間聞吳元中薨于柳崧老東歸薨于虔余方罷帥事屏居長樂珪禪師自江西見過閱篋

中得崧老二詩相與讀之愴然因復追和其韻
黃塵暗神州寶玦悲王孫六龍轉淮海荊棘生中原時
危賴耆俊引手開霧昏廓清天宇間復見咸池漱跨海
斬長鯨驅石駕鼉鼉悼心失良策至今聲尚吞二公直
以方象在六二坤英英鸞鵠姿超然脫籠樊才雄一世
表學貫萬象根皇天不慙遺三友獨我存去歲適湖湘
戈甲照旗幡龍城得吳書心契久益敦襄陵寓營道詩
白來清溫回頭失良友誰能詰其源我老卧江海病鶴

栖荒園娛心嶺白雲濯足溪流渾幽人幸見過握手得
晤言從來心地法半偈已覺繁願磨習氣垢坐覲出世
尊喟彼泉下人何由復軒軒

右次孫字韻古風

轉頭良友死生分獨鶴如何不念羣慨想平生空灑涕
追吟佳句只看雲隻雞墓隧違徐志羣盜潢池尚楚氛
賴有幽人慰岑寂此方教體在音聞

右次羣字韻長句

絕句奉約珪禪師相過同食荔枝

荔子新來已著花
千林行見爛朝霞
幽人莫戀雪峯境
拄杖穿雲過我家

荔子丹兮滿翠嵐
能將法味發芳甘
舌根幸有圓通在
何惜南來與徧參

梁谿集卷三十